

中國方志叢書・華中地方・第五九八號

據

清・沈椿齡等修，樓卜瀾等纂
清乾隆三十八年刊本

影印

浙江省

諸暨縣志

(五)

成文出版社有限公司印行



10098354

中國方志叢書·華中地方·第五九八號

據

清乾隆三十八年刊本
清·沈椿齡等修，樓卜瀾等纂

影印

浙江省

諸暨縣志

(六)

成文出版社有限公司印行



10098353

中華民國七十二年三月臺一版

諸暨縣志

共六冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

諸暨縣志 卷三十四

仙釋

安期羨門與金仙象教有無未可知太史公謂達
儒必相紂而近世士大夫往往竄入二氏而顧為
之尸勤而無所將安用之雖然恢恠悖怪道通為
一此非二氏之奇而道之奇也自范史始立方術
傳姑取其冥心獨往蟬蛻一切者以為世之齷齪
者藥雞毒何嘗不與青芝同功有產於暨者有不
產於暨而仙於暨釋於暨者備錄而存之志仙釋

三國吳

干吉

江表傳時有道士琅邪干吉先寓居東方

萬歷

紹興府志干溪
吳干吉所居

往來吳會立精舍燒香讀道書制

作符水以治病吳會人多事之策嘗於郡城門樓
上集會諸將賓客吉乃盛服杖小函漆畫之名為
仙人鑠趨度門下諸將賓客三之二下樓迎拜
之掌賓者禁呵不能止策即令收之諸事之者悉
使婦女入見策母請救之母謂策曰干先生亦助
軍作福醫護將士不可殺之策曰此子妖妄能幻

數江表修萬天
樓神記與莊石任俱
可州

惑衆心遠使諸將不復相顧君臣之禮盡委策下
樓拜之不可不除也即催斬之縣首於市諸事之
者尚不謂其死而云尸解焉搜神記策欲渡江襲
許與吉俱行時大旱所在燒厲策催諸將士使速
引船或身自早出督切見將吏多在吉許策因此
激怒言我為不如干吉邪而先趨務之便使收吉
至呵問之曰天旱不雨道塗艱澁不時得過故自
早出而卿不同憂戚安坐船中作鬼物態敗吾部
伍今當相除令人縛置地上暴之使請雨若能感

天日中雨者當原赦不爾行誅俄而雲氣上蒸膚寸而合比至日中大雨摠至溪澗盈溢將士喜悅以為吉必見原並往慶慰策遂殺之將士哀惜共藏其尸天夜忽更興雲覆之明旦往視不知所在

裴松之三國志注案江表傳搜神記干吉事不同未詳孰是

南北朝

謝元卿

名勝志齊謝元卿會稽人好呼吸延年之

術年近百歲精力不衰採藥至五洩溪忽遇仙女數人被服纖麗乃相視而笑曰子非謝元卿乎徐

引之登峻嶺至一處豁然平敞玉堂朱閣女云此東華夫人所居也

唐

陳寡言 神仙通鑑字大初越州暨陽人隱居玉霄峯號曰華林天台科法有闕遺者拾而補之居常以琴酒為娛每吟咏未嘗加飾有劉介者字處靜聞寡言之名遂就華林請教奉几杖香火幾二十年盡寡言之道寡言將尸解謂處靜曰當盛我以布囊置石室中慎勿以木為也享年六十四後處

靜與葉藏質應夷節為方外交久之將坐化以詩示其徒乃反真別有詩十篇今存天台道元院

元

陳嘉

於越新編字志謨諸暨人文辭超邁每應舉

主師必喜其文第以狂語見黜自號龍壇居士後為沃洲山道人尸解去隆慶駱志嘉應舉試成王壽考萬年有云花無百日紅人無千日好物尚如此人胡不老烏有萬年之壽考其佯狂不羈如此

明

酈元真 王會新編諸暨人幼而異人能呼鬼神後則漸驅雷電嘗入廁中忘淨紙呼天將索淨紙將降以椎擊其頭頭遂爛然人家有病者每以爛膿入藥內服之即愈人皆呼為酈爛頭至五十道益精或遇妖魅作祟者酈書一符焚之便雷電交震妖即現形死又稱為酈真人兩浙名賢錄宣德間過大部鄉宿農家其家無烟而火沙石從空中下元真書一符焚之即有大雷震一狐死自是怪遂絕章志值歲大旱三司延至省城禱雨甘霖立沛

頃見屋上皆魚鰕荇藻之物蓋西湖之水云

古仙

唐

寶掌禪師

紹興府志當魏晉時自西域來中土居

常不食惟服鉛汞而已一日示衆曰吾欲住世千
歲今六百七十三年矣因號千歲和尚貞觀中周
遊二浙至諸暨里浦山循山之陰林嶂幽聳中有
石室名里浦巖頌云行盡支邨四百州此中偏稱
道人遊遂結茆以居宴坐十七年屈指一千七十

二歲語其徒惠雲曰吾將謝世以還丹授汝今諸
暨有寶掌巖

元儼 高僧傳俗姓徐氏事富春僧暉證聖元年隸
懸溜寺從光州岸師諮受具戒後詣上京遇崇福
意律師并融濟律師咸能昇堂睹奧共所印可後
還江左徧行四介因著輔篇記十卷羯磨述章三
篇金剛義疏七卷越邑精舍時稱法華晉沙門曇
翼曾結菴山巔儼乃建置戒壇招集律行晏坐不
出幾三十載天寶元載十一月坐窹於戒壇院紹

興府志元儼諸暨人開元二十六年恩制度人採
訪使潤州齊澣迎師於丹陽令新度諸僧躬受戒
具自廣陵迄於信安緇黃道俗受法者殆出萬人

慧忠國師

釋氏稽古畧越州諸暨冉氏受六祖心

印居南陽白崖山黨子谷四十餘年不下山肅宗
聞其道行徵赴京居千福寺西禪院帝問師在曹
溪得何法師曰陛下還見空中一片雲麼帝曰見
師曰釘釘着懸掛着又曰如何是無淨三昧師曰
還見虛空麼帝曰見師曰他還眨目視陛下否帝

領解至大歷十年十二月逝謚大證禪師

國朝雍正十二年奉

勅加封真實大證禪師致祭一次

神智禪師

舊志少有貞操出家於雲門寺會昌中

除佛法神智冠服從俗僧行無改大中初復為僧
遊至寶壽寺曰營延之魚潛於藪澤宜哉此處吾
之藪澤也恒呪水盃以救百疾飲之多瘥號大悲
和尚大中中入京兆時昇平相國裴公休預夢神
智造之相見甚歡相國女迷於鬼神智持呪去之

遂請院額曰大中聖壽仍賜左神策軍鐘一口天
后繡幢藏經五千卷

鑒真大師

隆慶駱志天祐時雲居院僧貞明及宋

治平間皆敕賜院額呼為喻彌院圓寂後人龕其
身寺中禱無不應

宋

淨全

寶慶會稽續志諸暨人姓翁氏甫冠即出家

入徑山投大慧宗杲杲曰汝何能答曰能打坐曰
打坐何為全曰若問何為直是無下口處杲遂知

其為法器全生長田家樸野不知書一日集衆承
椒全亦與焉同輩戲云汝試作一桮頌如何全即
應云含烟帶露已經秋顆顆通紅氣味幽突出眼
睛開口笑這回不戀舊枝頭衆皆嘆異紹興府志
俄有旨度僧杲命給侍者十輩各探籌全得之九
人者不平評語杲令復探全再獲若是者三遂祝
髮尚書尤袤寶文王厚之丞相錢象祖皆與為方
外交隆慶駱志全自號曰無用累興大刹最後住
四明之天童開禧三年示寂

惟月

紹興府志諸暨化城寺僧明律學日惟念佛

一日有異僧來迎後二日微疾急呼同住道寧曰
見阿彌陀佛高八尺立空中言訖而化

元

善繼

獻徵錄字絕宗諸暨婁氏子母夢神人授白

芙蓉乃生始能言見母舉佛號合爪隨聲和之長
客山陰靈秘寺窺三藏諸書歎曰欲求出世非釋
氏將疇依投其寺僧思恭祝髮習天台教觀天歷
己巳住良渚大雄教寺講金光明經至正壬午移